


18

CHINESE - JAPANESE LIBRARY OF
HARVARD - YENCHING INSTITUTE
87 HARVARD UNIVERSITY
APR 12 1940

T 3229 / 0632.81



唐德宗贈張文獻公司馬

哈爾濱大學漢和
圖書館珍藏印

史言公卒後明皇避祿山之亂車駕幸蜀恩公在
見之明爲之泣下遣中使至韶州致祭至德宗御
位復嘉其忠直乃贈司徒

制曰正大厦者柱石之力昌帝業者輔相之臣生則
保其勳名沒則稱其盛德飭終未允於人望加贈官
存乎國章故中書令張九齡維嶽降神濟川作相昭
元之際寅亮成功讜言定其社稷先覺合乎筮龜未
懷賢弼可謂大臣竹帛猶存樵蘇必禁爰存八命之

秩更進三台之位可贈司徒

宋孝宗題張曲江畫像

淳熙十三年孝宗詔公後裔持公像至國是為
一首飭以御寶詩曰

鹿入深宮花解愁半登高巢覆餗休當時若
語豈到峩眉山盡頭 噫雖嘗因表薦而問公
家大難而遣使致祭不識嗟嗚噫意曲江何似
淳熙十三年己酉朔

題曲江公畫像跋

像一幅嘉靖甲辰夏岳陽張

人家以示知畫者謂為吳道子真跡不
時像右傍有中書省印或公在中書時為

風度凝遠而凜然巖峻有不可犯之色聖之知為
子正人也上有宋阜陵題贊按宋錄唐名臣後為

梁公段司農郭汾陽與公四家子孫當受官者持畫
像詰敕明皇御札詣闕下為左驗宣和中御札畱

府像仍歸其家此其持詣闕下受官經阜陵御覽而
為之贊與史稱公弱體有蘊藉明皇每愛其風度岳

往來曲江見畫像數本皆爲豐碩盛麗有富貴氣無
非當時真本及得此像然後知彼皆後人轉相模寫
失其真也然公以開元二十一年十一月再入中書
二十四年十一月罷政事其時主德寢荒小人明比
用事公侃侃諍諍事無大小必力爭聽從者十不能
二三今觀此像義形於色若有不盡忠憤者明皇以
風度愛重公要爲不知公觀者亦尚有以識此也耶
乙巳秋七月旣望摹一本遺守祠孫澤禧皮嗣下
言其始末以告之遠從孫岳

忠惠廟錄異

忠惠公父老相傳云先時有物類蛟舟行者每
公設法斬之迄今枯骨二段猶存骨扁而刺如
其狀旁有鐵鼓面稍損破擊之有聲聞公有一
鐵船搥鐵鼓僅一日夜往來五羊後藏舟於壑遺
鼓於祠今塑於公側者則役也至國朝康熙丁巳
年僞果毅將軍王虎自南安投誠卽乘船先至韶城
將欲爲患蓋虎北上時欲入城養兵爲百姓所阻因
弄機大肆屠戮以報宿憾舟將次忠惠廟忽大雨如

注江水暴漲虎及家人見有神人紅袍持劍乃立
舟首尾噤不能語而岸上居民有避難石寨者見黑
雲一朵盡罩虎舟須臾即覆一家盡溺人皆以為忠
靈公及本境城隍顯靈所致也

制敕二首

封英德冥助廟顯佑夫人虞氏制

救英德縣冥助廟神生能抗巢賊之鋒沒能制
之暴有嘉一婦之節迨過百夫之強况雨暘之致
復利澤之隨著可無美號以答陰功用正小君之
大彰顯佑之實茲特封顯佑夫人奉敕如右牒到奉
行嘉定十五年三月初九日敕封

封仁化惠濟廟龍母顯德夫人制

救韶州府仁化縣惠濟廟龍母龍之為靈大矣水下

土神變化而夫人實爲之母廟食茲邑殆踰千年水旱盜賊之所獲其應如響禦災捍患祀典爲宜故加二字之褒川顯一方之德可特封顯德夫人奉敕修右牒到奉行紹定四年七月二十六日

文獻公外傳

史載文獻公幼時好養鵠凡與親友往來書簡必鵠百里內者皆繫書鵠足達去日凡數次號曰飛鵠俗至今好養鵠此其遺風也
天寶遺事載公居相位時楊國忠子弟以奸媚結朝士每至伏日取堅冰令工人鏤鳳獸形以金環綵帶置雕盤遺王公大臣獨公不受

又公幼時卽善屬文號文壇元帥又號曰文章樹公神道在武臨源離郡城二十餘里卽今羅源是也

唐宋間俱置守塚數家墓前古木數百株大可合抱
父老始傳謂唐時所植歷代無人敢伐清朝初年有
詔鑷悍卒數人持斧入山將伐之以營利忽斧落時
不知何故反自刎其足流血遍地而死餘皆驚散後
有人復思伐之既入林中爲虎啣其首而去自後遂
無人敢伐者故崇正戊寅及今康熙丁巳楚寇之變
尋外數十里林木靡有孑遺惟此處巋然獨存

余襄公外傳

遊仙枕

鴻書載余尚書守桂林日每月夜閒步卽聞笛聲清
越出自林端尋聲訪之聲從一木間出公命侍者伐
其木截以爲枕每臥時卽聞笛聲清越令人有飄飄
凌雲之意號爲遊仙枕後歸家適公弟至卽以此枕
授之弟中夜覺遂聲貼耳破枕視之見有一人執笛
而吹眉目如活再合而枕之不復鳴矣

鍾允章雲華佛室記

鍾允章英州人仕南漢官至儒林郎翰林學士守中
書舍人賜紫金魚袋時南漢主巡遊無度嘗遊英州
碧落洞入石室命允章爲記記曰

大漢享國之三十有三祀龍集己酉季冬莫開十四
葉上以萬樹宵暇四海無波時屬祈寒節當冬符六
師扈駕百司隨鑿巡英州合於閬石翌日排仙仗整
翠華羽衛星羅旗幢雲布嶽靈警蹕風伯清塵上衣
龍章縫袍曳鳳文翠綬佩流黃鏤金之劍御靈飛凌

崖之興幸茲盤龍石室者也伏惟大聖文武元德昭明至道大廣孝皇帝陛下聖惟天縱功格帝堯味道探微奉貞元之化端居垂袞返淳樸之風百度惟貞九圍承式因訪清虛之景爰追汗漫之遊斯山之勝槩也得非元化興機巨靈運智月臺瑋室真為上帝之居乳竇芝房宛是長生之境白犬吠而壺天晝永山禽語而洞壑雲深神草含華幽泉瀉瑞於是拂石書曰設御停玉輦以凝旒遂感龜鶴呈祥河宗爰啓一書一也此衣短襦飲客而至自稱野人本無姓名二十許時為先生於此石室尋丹砂藥成息焰踰雲舉令野人且仗火延神秘丹於靈府并云後五百歲當有真人降此子宜以其還丹呈獻昨畧算之起重光單闕之歲迄屠維作噩之年恰四百九十祀果令金德主來幸驗真君之言明矣野人因匍匐而來上喜聞所陳問仙者靈丹何在野人曰咫尺耳遂捫蘿於峭壁中取出一小石函函上有金書古篆題九蛻之丹四字內有神丹七粒大如黍粟光彩射人仙者開函取丹躬自捧獻野人遽旋踵隱入石縫間罔知

厥止時有近臣奏曰聖上德契幽微感茲靈異尚以
兆民係念四海爲心雖還丹未宜輕服上然彼所奏
遂屏左右迺召從臣吳懷恩一名捧丹隨御於石室
深遠處鑿石秘之衆莫知矣擇日亟命道衆設壇場
齋醮以申告謝靈貺由是龍顏開豁圓蓋舒晴綬擬
琴弄流泉之激越親灑宸翰奮睿思之縱橫奏九
虎之簫韶烟霞縹緲感百獸之率舞洞府誼闡羣后
于承昔朝於禹會衆仙萃至競祝於堯齡微臣榮遇
輿之功德無量藻弁承綸旨伏積跪瞻仰
載記

右此文辭意典麗得騷雅之遺但因前守馬公有
雲華御室非不麗也君以是驕臣以是諂卽吾無
取之語故不入藝文而移入雜志微以示戒也然
允章官至清要而文才復如此雖行有可訾余猶
不忍沒况君驕臣諂並無左證安可以空言而遽
棄之耶昔楊子雲劇秦美新之作其諂極矣而班
孟堅漢書未嘗因此不爲之立傳語云去其所短

取其所長余旣惜允章之才而又悲其湮沒不傳
故特爲立傳以附於名賢之後其亦春秋鄆取孔
圍之意歟覽者幸有以諒焉慎毋執先器識後文
藝而爲膠柱之見也

鄆守唐宗堯識

方信孺虞泉小記

曲江

之西北有山聯綿如屏幃是爲皇剛虞帝祠奠其
祠使廖君德明旣作新之有泉出祠東崖甚甘
而潔與他泉異余仲夏有事祠下徜徉林間因謂是
泉寺與虞祠相始終而名獨未得與舜峯韶石並著
雖泉之不造亦好事者之責與於是命匠刻石名之
曰虞泉

吳永澄步月臺小記

英德

書院瀕江釣磯多磊砢色如瑪瑙桃花燦燦然映水

稍西一石峯卓峙中有竅天成團團如月謂之步月
臺亦古蹟也余因築北岸之高處刻石嵌垣以表之
軒其內曰聽水相傳米南宮官涇州時過此弄潺湲
因以名軒云

又聽水軒小記

昔有築步月臺于南山之衢者斷碣猶存蓋以水濱
亂石礎礮有竇如月江流迅駛水聲潺湲時與林松
松風響應相答幽奇堪撫觀者止焉故足述也迨
蔡劉公祠暨準提禪院並成版依瞻仰遊人絡繹

又極尋勝於斯因祠旁隙地累石為臺

文仍以步月表其舊也臺上有軒題其額曰聽水
前樹影婆娑濃陰偃覆可以迎薰而窺月納涼而
夏焉登斯臺者披百世之清風聆半天之梵韻山容
水態逸興幽懷其亦可觴而可咏也已卯春英德令
吳永澄記乳源令蔣明鳳書

鄧維循古鐘小記

曲江

樂昌黃連山銅鐘一口不知何年移置府學明倫堂
讀鐘文云粵維大寶二年太歲己未七月甲辰十五

日林禪院住持長老明徽太師賜紫沙門義初鐘一口重四百觔勸緣弟子給事郎守內府侍省內府都并監樂昌縣事賜紫金魚袋鄭敬贇以七月廿八日攷大寶乃南漢年號歷今五朝計七百餘年崇正甲戌明倫堂將傾圮余偶過而見之集衆十餘人持此鐘移置露臺不數日堂果傾鐘得無恙噫余嬾人也足跡不履市廛曷能使余至此堂移此鐘以保完壁得毋神物有靈不甘廢棄耶未可知矣

又廟器小記

興部學祭器全備蓋有巡方御史委司李按冊查覈故凡官物得存清朝已停巡方其猾役因得起而沼沼之順治壬辰潤州王公蔭庵來守是邦爾時雖五嶺初開軍旅雲集公頗畱心補郡缺失首則欲修府志及增補聖廟祭器業已市材命工不期新守促至公亦謝事惜哉未究施其美舉亦地方之不幸也今邑侯凌公鼎新縣志百凡攷究增補未備訊及於予予野人也日與枕簟爲緣曷能知此大事第讀周禮有六尊犧尊象尊著尊壺尊太尊山尊詔俱備此今

所存者僅前三尊後三尊不知何時沒去豆不知幾
何所存者只四籩則二簋簋共二十四俱明嘉靖十
七年敎授監造爵則一百四十有奇明天順七年太
守余璣捐俸製造鐘十二偶爾尚全無年月可攷塵
灰撥面大抵似宋時物球石所存惟五六槩附諸志
以俟諸後之君子覽而興起以竟我王公庶庵之志
其在斯乎其在斯乎

書武溪溪碑後

鄭

韶州山川奇奧唐宋諸君子遺是地率多題咏
傳者退之子瞻魯直元章碑刻而志載政寶堂尤
歲辛丑余次曲江遍覓僅得蘇公九成臺三字詢之
故老或曰年代寢遠有遭兵火有值圯斷有今人稱
功誦德剗毀取用數經移易者有僧徒私相磨滅記
其田畝者噫一字一畫古人之心也昔有沉淵夜光
捐錢廣構而韶亡之作字者何不幸也明年再過九
成臺讀重刻蘇銘及臺中諸碑皆塵埋數寸拂拭觀

之則宋守宜興蔣頴叔續武溪溪詞益攷正漢守周
史君名字者元祐二年事也右傍小字刻朝散郎知
韶州軍州事譚粹元祐癸酉季秋六日自延祥禪院
移立武溪亭碑雖剝蝕而痕畫猶存詳譯之是知周
府君名煜字永叔粵志則名憬字君光韶志則名所
無字實同數異幸辨在此耳夫百粵當度嶺未開之
先道由樂昌連陽故武溪深所由作然平瀧水之陸
興粵民之利者周史君也攷名字之實補史編之
遺蔣太守也存其碑而崇墜者譚韶州之移於
也備其辭者蘇長公之銘且字也嗚乎韶自秦漢
宋以來名人姓氏湮沒於荒煙瘴雨者何限卽長公
當日寓惠寓儋曾不得一椽以庇其身而斯臺之碑
與其字巋然獨存抑蔣公之與周府君德澤在人其
神氣不應泯泯耶夫易泯者官難泯者事余旅人也
行止靡涯不能爲史君傳語曰繫藉聖賢方足以式
多士其斯之謂乎



揚萬里政寶堂跋

蘇東坡過韶嘗書政寶堂三字於府治大堂萬里跋
 之云蘇黃皆落江南而嶺南無二先生書大似魯人不
 識麟惟韶有之耿光異氣上燭南斗下貫碧海矣

又米南宮石刻帖跋

萬里學書最晚徧參諸方然袖手一瓣香五十年來
 未指出今得此帖乃知李密未見秦王耳此石宋徽
 元祐黨人時命有司毀廢又云兵燬

朱登書堂巖跋

元次山好奇所至遇佳山水必加雅目使從此出浩
 凌讓溪遂傳不朽此巖遂無品題豈以曲江嘗讀書
 其中故不欲更稱述耶今次山題刻不存惟新仲題
 石宛然

凌作聖古整冠亭跋

宋韶守梁世安於帽峯建有整冠亭蓋取韓昌黎上
 真堯舜整冠裾句此名久矣杏聞邑志亦失載讀一
 志始知昔日有此以昌黎韶石詩而顏帽峯亭其
 意義可謂天成余因復新之而仍留其字使韓梁二
 公永冠高山百世仰止如曰山號筆峯則此亭亦
 斗又儼一韓公在望矣



郡侯陳豹谷先生逸事

豹谷名大綸廣西人由進士出守韶韶之勝蹟樓臺
多其所創建如遇仙橋芙蓉庵東西浮橋之類不可
勝計又善書筆法遒勁得鍾王之精意扁額碑刻至
今尚存先是韶州自成化以來科目寥寥預鄉薦者
絕少公精湛輿術乃於洧武合流處建浮屠以鎮之
號曰通天塔塔成設宴以落之是夜公夢遊其中見
有四白鶴集於頂上最後復有一鶴自遠方飛來盤
旋迴翔并止於此醒而異之是歲爲嘉靖丙午科曲

江鍾大賓劉應魁乳源魏良佐英德黃桂四人皆預
本省鄉薦報至公大喜以爲所夢不爽然猶未解後
至之說并與鶴義似不相合不半月又報英德有爲
廣西訓導者得中鄉科詢其名則羅夢鶴也夢之巧
符有如此又公性極寬和部民有非禮謗訕者皆含
忍不輕置以法時塔成西河有一狂生夜書一聯於
門云夜犬無眠防惡豹灘聲不絕怨西蠻蓋以公嘗
廣西八而名豹也公知之絕不與校其人服公之
卒改過爲善士後南遷守韶者雖多獨公之名去
數百年兒童婦女猶有能舉其逸事者



張廷綸

張廷綸字允言廣西平南縣人以父輝任翁源學訓
導得充弟子員中廣東正統丁卯鄉試時邑有豪家
子爲弟子員無檢輝白當道黜歸農豪家子報復廷
奏廷綸用父宦黃緣得中除名閱數年廷綸奏辨命
下內閣部院官出題覆試呈卷甚速諸考官曰秀才
知襍作乎命作槐庭賦賦又立就都臺笑曰秀才知
刑名乎試假如一篇假如亦成僉曰以子之才雖魁
天下可也黃緣鄉隸奚足累乃具奏復其舉人遂中

音州府志 卷之十八 三十五
天順庚辰進士授南京戶部主事尚氣節奏罷南道
趙御史之慘刻後歸卜居全州以子燦貴賜封爾京

戶部尚書

出全州志

又廷綸父輝發解廣西正統十一年任翁源訓導景
泰元年擢香山教諭甚自負文學爲人溫雅疎俊士
子敬之一日忽癡舍井中有人衣紅衣出而招之輝
素有膽氣呵罵之走上蓮峯而滅次日會飲縣堂與
丞爭坐使酒交相拳之歸投井死縣官收殮輝畢遂

填其井


世香山志

黃器先

翁源黃器先年十一遊邑庠鄉守唐昇奇其文薦之
提學副使歐陽鐸鑄復奇其文令遊郡庠資以兩漢
書俾讀之昇買學田立明經館教六邑之來學者躬
詣郡庠爲器先加冠請謫官御史盧陵黃國用作賓
設大宴郡邑傳爲盛事

獨醒別傳

獨醒郎姓名天民曲江人嘗讀書破剝敗院工畫善
翎毛恠石枯木野仙人物皆用臃腫恠筆尤善畫虎
爲屋深山中觀生虎形狀得其神倉忙走歸取筆就
壁圖之犬見之驚退向吠不已遊長安友人贈之數
百金盡買書歸野田寮中一日被火焚去仰天大笑
而罷其弟半醒有兄風至今野老猶往往能言其逸
事世又傳獨醒畫魁星像筆筆精神俱注斗上又有
傳獨醒畫虎嘗燈下伏地作虎跳躍狀取影圖之如



沿虎者并記

職官鄉紳拾遺

永昌縣丞

馮佑 樂安人

廣平縣知縣

係睿 以上二人俱職官

饒興縣知縣

辜臯 韶州人

吳國縣丞

愈德勤 曲江人
以上二人俱鄉紳

以上四人俱載王鳳洲弁山堂外集明縉紳奇姓
中今按四人惟保公磨已列名宦餘三人俱未列
存以俟考

宋韶州守

梅 摯

按宋書摯紹聖中以殿中丞出知韶州嘗著瑯說
今查郡志未列存以俟考

晉含淮令

張 鮒

英州刺史

王 翻

按以上二人英邑及郡志俱不載今查廣東通志
所編因擇出補入但查英德建置沿革秦南海尉
趙佗置含淮洮陽二縣屬南海郡漢改屬桂陽郡
隸荊州三國屬吳大帝黃武五年又屬廣州孫休
永安四年改屬始興郡宋元徽四年以淮字爲光
改縣曰含光前後沿革俱不合今照通志補入亦
史存疑闕文之意也

祥異拾遺

宋熙寧元年春三月庚戌雷大震衆駭懼平明視之
梓樹盡化爲龍腦香至京師每兩值數千錢

見志

明正德十一年十一月英德大陂都民張宏政妻善
事翁姑以孝行聞一日汲水爲虎所噬翁姑告于
神曰吾婦孝敬兼盡勤儉克全今被虎傷予何依
耶號泣祠下是夜虎馳入張氏室迴旋數步而死
噫虎噬人衆矣政妻以孝行而虎抵其命孰謂善
人無感于鬼神而害人者終無報耶

孝婦紀異

黃

辛酉七月中暴雷擊死平圃鄉三人其二真
 其故其一則盜孝婦金者余詢之鄉民得其實筆
 錄之以俟採風者按孝婦曲江平圃鄉人也姓李幼
 時許配前村某人為妻及長而婿家貧不能娶翁不
 得已為人傭工得其值以為聘禮始畢姻焉孝婦既
 入門廟見畢數日不見其翁心疑之問于姑姑托以
 他故數問姑不能諱盡以實告孝婦大慟曰嗟乎妻
 聞娶媳以養翁今翁反以娶媳故為人執胥靡之役

娶媳何爲今吾父家幸不貧聘金想未費吾往以誠
告未有不憐而許我者誠得持金贖翁謝妾願足矣
姑曰此吾家事豈可告人且汝新至尚未歸寧何可
無事自返父家孝婦唯唯至次日清晨乘姑卧未起
獨造父家盡以誠告父母亦憐而許之歸其聘金并
命其少子携魚肉茶米之類送之歸孝婦甚喜置之
筐中與幼弟同返夫家詔俗鄉間同姓共居頗有
奉祀香火凡遇大小吉凶必以其物祀神而後
婦夫家甚僻同居止二月忽入門置其篋于
而忘携其金也遽逃其弟至私家烹茶未
適同居有無賴子偵之盜其金而去孝婦烹茶未
忽憶前金未收亟出視之則已無矣不勝其憤歸
臥室自經而死其姑見孝婦久不出入視之死矣
告其弟并走白其父母父母亟奔至婿家詢其顛末
始知爲失金之故也然業已盜去莫知爲誰不得已
買棺斂尸葬於祖塋之側封植未畢忽迅雷一聲大
雨如注咫尺間不能辨人須臾雨止見有一人爲雷
擊死跪於墓前熟視之則孝婦同居無賴子也左手

猶持金背後有字一行不能盡辨鄉里聞之趨觀如
堵共相嘆息以爲天道不爽云

英志蘇氏二難說

劉澤寬

五代南漢時有兄弟狀頭者蘇姓龍與虎其名也
本誌及史冊不一載初以爲無徵余宦京口宴會聞
有梨園歌其事記名二難有曰南山插筆滄陽嶂緣
水橋頭萬壽村歸里後偶一詢其處橋與村固在信
其爲英之竹邇都人居頃之觀碧落崗石壁則又有
所謂蘇龍詩者不知何以卒湮沒無聞余乃憮然于
往乘之多缺也苕溪吳淵如父母風雅作人百廢俱
舉而尤加意典故搜英之逸事而增新之錢塘孫君

璧聯相與闡幽扶微正二蘇晦昧重開之一曙也自昔稗官野史彤管之弗遺余因記其事以託諸不朽尤有異者余鄉後山有古塚題石曰唐尚書之墓蓋其姓名里居并附見焉以傳疑若夫蘇氏二難奇已傳於方外而信有其人其事者蓋自余不佞訪也


魏校

南僧寺嘉靖初年提學副使魏校移文拆去

邑有社學是其所毀寺改置

出巡韶郡欲入南華山拆六祖寺

得郡守後尚書周厚山公解乃罷在郡庫中碎其衣鉢翁源太平寺亦在毀中住持真廣赴京奏辯乃復中亦言其毀寺衣鉢校後起北祭酒時世宗再幸太學校以坐講言動失體調太常寺少卿致仕家富惟一子已娶而天無嗣聞其後亦有悔于心云




現身錄異

黃思德

城西門樓有關帝廟其來舊矣歲在丙申之五月
 二十日未申時分德遊芙蓉山歸新渡船中竝隔岸
 居民見樓上毫光炫曜帝披金甲藍紗巾立樓牖面
 北少頃面轉西而退見者莫不且驚且拜至二十一
 二十四二十五三十日依時復現次年七月初十七
 二十四又現或黃蓋或二將隨後見者不啻千萬人
 夫自季漢迄今一千八百八十五年現身如帝古所
 未聞也若不鐫碑以識其異天下後世以為傳訛於

是德捐金命工勒石寫像於上使敬信者搨而祀之
以廣播其靈異焉



遊詩石橋題名記

廖燕生

去府治西南十五里石澗莫知其名源出陽山兩
石岸勢斜曲黃緣東趨而西折而水流因之淙
有聲遇曲坳處則蓄而爲潭沉黑莫測上多楓樟
竹襍樹藤花蔓草紛披巖側風來香氣不辨所從
羽數十立樹杪窺魚隊啣而上食已復然其他景
莫可窮狀予愛其水石奇僻屢欲遊之而未暇也茲
歲甲子七月十九日予偶有事其地適友某某繼至
難性樂邱壑然皆不爲斯遊來者因話溪山之勝

呼小艇載酒沿流往復興酣捉筆回石壁留題酒墨
雜進觸景成詩計共得二十一首縱橫欹仄字畫皆
帶醉態予顧而樂之維時無意而遊數友不期而會
是日遂成勝遊焉澗上有橋以其近黃屋村遂以黃
屋爲名其實非也因爲題曰詩石橋橋南一二里有
書堂羅隱諸巖皆邑志所未載後有好事欲窮其
者道經斯橋覽此其嘆之題名後一日記

九子巖詩跋

廖燕生

九子巖在邑治西南六十餘里幽奇洞廠數千年來
並未有一言著之者雖其地僻遠亦以邑無好奇之
士故也靈境難埋遂復有我乙丑冬十月初六日携
伴登臨一賞歎絕因劈窩書九子巖三字併識一詩
以寵此山後之遊此者其知焉邑人廖燕生題書併
跋

方志 二款

蔓草 卽斷腸草又名大茶葉郡邑郊外在

之人有相關或私忿則採而茹之或斃其兄弟妻

子誣以人命貧者希圖官斷葬埋之資往往死而

不悔 治毒方凡遇茹此草者急取卵未生鷄兒

細研和以清油挖口灌之卽生

出嶺南
衛生方

藥鬼 愚民造毒圖利取百虫置器經年視獨存者

能隱形與人爲禍凡屋宇無塵網卽其鬼所爲也

又名挑生于飲食中魚肉菜皆可挑人中其毒者

胸腹攪痛十日其蟲能動腫脹如甕七孔流血而死
 遇來厲禁犯者稍少 治毒方凡遇挑在上鬲
 者膽礬五分投於一盞熱茶內候鎔化服以鷄羽
 攪喉令吐犯在下鬲者鬱金末二錢飯湯調下卽


時瀉下惡物

見嶺南衛生方

祭陣亡文

朝廷養士責節義於行間忠盡誠竭若塗肝腦于原上
 故名將不忘裹革之心而志士每切全軀之耻亦知
 鋒鏑之下死生之關機變須臾勢急呼吸然而戰貴
 氣急欲雄將貴膽膽欲決頃者干戚不戒寇犯韶城
 爰發標兵遂清狐鼠初戰俘斬者二百級再戰死事
 者三十人惟雄惟決殆實兼之捷以是死亦以是其
 捷也功其死也義而或者見捷則稱聞死則議此庸
 人兒女子之見而非所語於英雄之間也張將軍開

音州府志 卷之十一 三
祚義畧軒翔忠腸挺拔兵來寇解手到動成卓哉偉
丈夫之槩迨夫奮袂突戰中伏捐軀洒腔血于山原
剖忠肝於白日克酬壯志不負簡書旣經題敘則姓
字猶香尚待特恩將血食靡替其亦可以愜志于九
原矣守備陳邦基拔自遠地畀以前茅膽大於身技
兼乎勇首摧勁敵次突重圍生前之績死後之忠功
已徵於宸旒名豈埋於野草與把總王龍鄒維勳
等是火救將捐生同爲節烈之臣不愧褒揚之典若
等兵三十名恩賜一體義篤同仇載藉死長之人
人等之實百夫之特曠也何從雖然成仁赴義
白骨之光列俎肆筵卒旣下衣冠之拜歿之
其德愈於生之倖哉念我將士義骨雖函忠魂在野
是據憑弔親製挽章握管涕橫臨文語咽嗚呼瀟原
厯浩不受風雨之憐報國丹誠永照日星之氣以功
在地方俾地方官陳儀戰壘招魂而奠之尚饗



題羊逕雜句

朱繡度

庚寅清明後三日過西溪訪唐璠禪師遺蛻取道翁
 芭之羊逕雙山對出嶺巒峯光一逕中穿橫臍而度
 五步一轉十步一瀑濃綠崩雲危蒼削玉截虹為橋
 編陰成屋仰窺天而一曲下走萬壘之驚泉或出或
 沒其沒也若泰巔聞雷殷殷遠足其出也梳玉千縷
 傾珠百斛或曳鮪宮之素一練長披或湧錢塘之潮
 萬濤齊怒或分臂旁擎或回頭轉觸崖雪初崩鼎湯
 亂沸偶力怠而氣平且息鼓嘶枚而緩逐頑藤善緣

木不解縛或索掛鞦韆或綆轉轆轤亦一墮而千尺
且交股而百束蒼龍翠虬爪連鬚屬飛枝構石郵覓
巢之貪猿折木梁溪澹窺津之涸鹿空翠濕衣柔條
翫日來失所從去不知其處知不是人間掛一瓢於
空意或僊而或佛

